

20) Concedo: nempe respectu naturalis infirmitatis.

21) At talis negatio reperitur etiam in scriptura. ut Matth. 24. v. 24. Ita ut seducant, si fieri posset, etiam electos. Ecce simpliciter negatur fieri posse, ut electi seducantur.

si pisce &c. Hæc, & alia sexcenta, clarè docent, etiam verè fideles, aliquo saltem modo, ac certo (20) respectu, fidem amittere, seu sponte à Christo deficere posse. Quod proinde simpliciter & indistinctè (21) negandum tibi non erat: præsertim quum talis negatio & per se absurda sit, & veræ pietati valde noxia: sicut ex consequentiis hinc nascentibus abunde patet.

SECTIO CXV.

An Deus aliqua fieri velit, quæ re ipsa non fiunt: Et num omnia futura simpliciter ad unam partem ab æterno præfiniverit.

P Ag. 439. In medio. At ratione hominum non ineptè sperare ea dicitur (Deus) quæ quidem ipse per se approbat, & à nobis fieri vellet; non tamen, ut infallibiliter ac necessariò fiant, simpliciter & absolutè decrevit.

Et paulò post, de pœnitentia coætaneorum *Noachi* loquens, dicit: Deum neutram disjuncti partem absolutè definivisse &c.

Item pag. 441. negat futura contingentia per absolutum aliquod Dei decretum ad alterutram partem determinata esse. Vide etiam pag. 441. sub finem.

NOTA PISCATORIS.

Istud, *vellet*, tribuit Deo 1. impotentiam. Perinde enim est, ac si diceretur: *Vellet* quidem Deus à nobis fieri, quæ nobis mandat: sed nõ 2. potest id efficere. Nam si & *vellet*, & *posset*, *efficeret* utique. Deinde 3. falsum est, Deum non decrevisse omnia simpliciter.

RESPONSIO VORSTII.

1. De *velleitate* Dei, seu potiùs optatione, ac desiderio, quidnam vera sit, & quomodo rectè intelligi debeat, jam supra suis locis abundè dictum fuit, Sect. 4. & 5. & 8. & 11. & 13. & 15. &c. Nunc illud solum obiter repetam: tantum abesse, ut talis aliqua *velleitas*, sive optativa voluntas, (rectè scilicet (1) intellecta) Deo impotentiam ullam attribuat, ut veram potiùs omnipotentiam, & summam perfectionem, (2) aliquatenus in ipso arguat: quippe quæ indicio sit, Deum pro diversa objectorum volitorum conditione, (3) diversos quoque volendi actus semper exercere posse: & singulis actibus suum convenientem modum, ac finem, sapienter assignare: tandemque omnes, in suo quemque genere, distinctè ad optatum eventum perducere solere. At si *velleitas*, aut desiderium aliquod,

NOTÆ PISCATORIS.

1.2) *Cautela Vorstiana.*

3) *At, isti diversi volendi actus quos Deus in tempore exercet, æterno ejus decreto præcisè definiti sunt.*